

新集華亭縣序

夫邑之有志所以扶世教正人心考古徵今彰善瘅惡大美與史等而華亭獨缺焉豈不誠憾事哉乾隆丙午以予至華亭即欲志之而考據莫由既而得趙浚谷先生舊志一緣至明正德年止殘缺失次止存十之六七繼又得佟希堯舊志一卷至

國初

磨滅又多止存十之四五康熙以後俱未有志如此而徵志之不其難乎然畏難而不亟為之志將自此以為華亭遂永無志矣不揣固陋迺與諸生取二舊志稽之石碑訪之耆老徵之各吏胥舊卷信者

華亭縣志

序

闕焉凡地理建置祠祀田賦官師人物選舉諸端遠則仍舊志近則得自所聞總期信今而傳後俾將來續志者藉為權輿焉亦一邑之盛事也若夫拾遺補

糾謬正訛則所望於後

君子焉

嘉慶元年歲次丙辰中秋教諭正寧趙先甲書

新集華亭縣志目錄

正寧趙先甲續次

邑文學表 棟 校書

地理第一

趙漢弼刊

建置第二

祠祀第三

田賦第四

官師第五

人物第六

選舉第七

趙浚谷先生舊志論華亭之弊一田地廣人稀而固閭法

華亭縣志

目錄

踵故弊之吏胥侵漁今古三四邑之地巨二百餘里之遙第以其里數之寡而所用多優閒之士上下未斷典章公私咸致仍以夫為政在人令得英賢弗受私饋開誠布公措置合宜則諸弊自去而士民各安業矣此論良不誣也今日之弊則又在於易官大數而不能久不久則難具能治之才而未得展無才又不能治無惑乎諸弊日試兩難為矣為政者其念之哉

華亭縣志

地理志第一

華亭西北境天文營室古盧國地有都靈山舊址東南境天文東井在禹貢為汭水之源周武王時有靈人傳曰靈彭在周西北後為戎那屬義渠秦改義渠置朝那縣屬北地郡其南屬隴西郡漢及晉屬安定郡後魏於西北六十里置大會鎮今大會坡也隋大業初改朝那為華亭縣仍屬安定郡隋史華亭為倚縣大小等紐也有隴山汭水義寧二年唐太宗平薛仁果以地屬隴貞觀中置儀州寧治華亭尋縣屬隴廣德元年陷吐蕃永泰中復之東南析為

華亭縣志

地理一

一

神地後唐同光中復儀州五代改義州宋初復儀州附郭華亭領安化縣而百泉縣析屬之咸平中割鳳翔之崇信赤城為屬縣徽宗時省州為華亭縣與安化崇信屬渭州金立渭州為平涼府改安化曰化平元併化平入華亭仍隸府明如元制今因之計自戎那入中國為縣者五曰朝那曰華亭曰安化曰化平曰百泉為州者二曰儀州曰義州凡屢建而華亭迄今不變考廣輿南北有二華亭在松江者一是為北華亭

疆域在甘肅省城東南八百六十里平涼府城南一百里東西袤長二百五十里南北廣闊一百一十里東至斷萬

山崇信界五十里西至焦韓集靜寧界一百四十里南至
白崖嶺隴州界六十里北至馬鋪嶺開平涼界五十里東
南至白崖嶺隴州界五十里東北至武安監崇信界二十
里西南至張家川清水界一百六十里西北至馬家新庄
固原界一百三十里先是西北界固原之牛營子隆德之
六盤山乾隆丁丑瓦亭驛暨十三堡併入固原界止此距
京師三千九百九十里治凡七里曰在城曰東橋曰窰頭
曰北鎮曰白崖曰聖女曰化平明初十里成化末大荒首
仙姑武村儀城三里焉

山川縣西曰華尖山古有亭近曰儀山縣所瞻也又東曰

華亭縣志

地理二

二

石堡山至於窰頭土咸堊石為炭以埴器至斷萬山東
極五馬山兩山夾水而出洩水東決也華尖山迤西曰皇
家山皇甫氏舊居又西曰爛柯山西北曰觀山益西曰齊
山漸南曰風洞山又南曰十八盤山極南曰海龍山深入
曰竇蓋山火燄山鬼門關絕人迹也齊山之北曰瓦獅山
又北曰老龍山曰尖山隴嶽也又北曰晶然山其上曰湫
頭山為朝那湫渟泓五畝中有微行又北曰烏龍山其上
曰筭頭山下有百泉流為涇今號南山河底西北曰高山
山海經所稱也益西北曰大盤山其東曰瓦亭山瓦亭東
二十里為唐彈地故俗名公佛峽南北咸山水鳴石如彈

葦東至府城七十里其水入涇又北二十里曰牛營山即古蕭關又西北二十里曰韓耳朶元安西王大帳房皆隴也高山之東曰都盧山聚糧平又東則空同又南曰白崖山又東北曰馬嶺山極東曰草子山極南曰王馬山縣南曰王母宮山漸南曰豐臺山又南曰武村山極南曰三鄉山白崖山西南曰土峰山雙鳳山石櫃山縣之東北曰紅土山北曰兩亭山朝那廟山中有特山曰仙姑皆隴支也而不可名者弗記焉縣西北四十里曰石香壩峽又北曰松子峽朝那湫之下流匯于馬峽口循華尖縣城之北而東曰北河華尖之南曰南河源于齊山循仙姑縣城之南

而東與北河匯于東峽口又西北五十里曰大會坡新店川紫坻川諸水東出東峽之東十五里為洳水西南十八盤諸水為水賊溝延官溝水磨川武村川東至斷萬山匯于洳又南為屯頭川三鄉川東經崇信赤城良原靈臺而東北匯于涇又南為海龍諸泉東南入沂大會坡西北之十里是為百泉流為白岩川又西北曰聖女川曰化平川龍家峽川皆匯于空同之前峽又西北曰焉支川曰暖水前後川鮑家川皆匯于沙棠川出空同之後峽匯于空同之東麓曰南亂又西北曰卧陽川蔡家川瓦亭川俱會于金佛峽至龍音寺之東麓與空同山後峽之水合而為涇

凡為川者二十而減為泉而冬不冰者以數百而冰者不與焉蕭閑幹耳朶之水北流入於黃河

古蹟都盧城在縣西北都盧山有故址

儀州城西抵華尖山龍今縣城得東隅之半唐宋並為州治東瞻儀山故曰儀州

華尖山亭在縣西麓隋大業初建縣治名因之今亭廢大會鎮在西西北六十里魏置鎮今日大會坡

安化城在化平里宋建縣金改化平今為鎮

朝那湫在縣西北五十里湫頭山山甚高池廣五畝渟泓莫測秦惠文王伐楚投詛楚文于湫即此湫也

華亭縣志

地理四

汭水源一出縣西北馬峽口諸泉為北源一出縣西南仙姑山諸泉為南源逾縣三里合而東

涇州庠生王寧窮汭記汭水載禹貢廣韻汭音孺說文以水从内兩水合流之謂也又小水入大水之名質其實雍豫二州有專名之者有通名之者專名者以義也通名者以類也以類通名如會于渭汭東遇洛汭是也蓋渭自鳥鼠而東逕涇自筭頭而北來二水至高陵而匯于河經龍門東注豫州洛由熊耳東北入河既符小水入大水且兩水合為一以故不曰涇渭而曰渭汭不曰河洛而曰洛汭由是推之則凡諸州之水類于是者皆可不拘定名而得通稱為汭也以義專

名者涇屬涓汭是也汭在華亭城東三里乃二水合流而其
此源西出小隴山之馬峽峪呼曰北河南源之出隴山之仙
姑峪俗呼曰南河北河環朝那山前蓋山有古朝那王廟其
西北有湫東去縣十三里而別稱為雨山南源環王母山山
上有古王母宮東去四里別稱為儀山俗呼為回頭山儀州
寔以是名也儀雨兩山南北對峙豁開如門故二水合而東
流名之曰汭也汭匯為深潭潭名合水水之北岸一臺高廣
平夷荆榛瓦石錯雜相傳禹王廟也北登山巔遙見東南隱
隱峯巒侵入太虛隴州吳山也沿汭峽峽石三十里皆斷崖
摧壁神禹疏鑿之跡也峽行十五里南填有女神廟上扁曰

華亭縣志

地理五

五

抵油元君土人呼抵茹娘娘廟東十五里至石堡汭北受柴
抵水源出朝汭湫山之陽而陰即為涇水又東五里至安口
峴牛心山南受武村水汭至是益大北有斷萬山自馬輔嶺
柴抵而來南有五馬山自石櫃寺武村而至兩壁削立巉崑
百仞束汭于中雷浪湍激經行五里為屯城唐李元諒屯兵
扼吐蕃者也屯東為崇信川汭水益大深不可涉湍不可亂
行人皆袒而濟又東三十里北過崇信縣城又東七十里過
涇州回山屬於涇弘治戊午督學憲副虎谷王公按涇州試
諸生竣乃登王母官寧從行王公東眺曰北流而濁者何水
乎寧對曰涇也南流而清者何水乎曰汭也公曰是禹貢雍

州屬涇之內乎昔公劉有芮鞠之即吾過邠西行三十里涉
一大河北人涇是何名乎曰靈臺之遠溪也公曰朱子註芮
鞠之即曰邠地曰廣也試且廣求之斯地有百泉乎曰華亭
西北九十里筭山下有泉百餘為涇原乃百泉也有溥原乎
曰亭口靈臺之西汧陰隴州之地華亭龍門之東有廣原唐
尉遲敬德破突厥郭子儀破吐蕃之西原也李元諒副美田
千頃號曰良原今為溥潤原公又曰北與吳山南北乎曰然
曰必茲西去百里外有二水合流者始可謂之涇矣曰然曰
朱子註詩言涇水出吳山西北者以名山而志名水窮其原
也今遂謂出隴州東入于涇夫隴水乃汧入渭去遠矣且
將置溥原于何地乎按寧之論涇小水入大水是矣然遠溪
雖經過靈臺源出武村西南遠門川諸水合良原靈臺諸溪
以入涇皆涇也

華亭縣志

地理六

六

古百泉在縣西北筭頭山下有泉百餘匯為涇宋建百泉
縣今距縣五十里有故址

涇水本清詩註誤此宋蘇轍詩袞袞河渭濁元人曹伯啟
詩涇清渭濁源何異予久已親見原不誣也蓋筭頭山內
百泉湧出前匯為潭者三每潭左右山環抱中開如門人
不能入潭前有龍王廟民多禱雨于此東過空同入于平
涼川澄清見底乾隆五十五年

上命察視涇原而涇清之名始定中衛今胡紀謨作涇源
記并詩

字內名川其清濁詳于志記而見之經傳者為元確顧谷凡
涇以清濁筭釋家咸謂涇濁渭清承訛不易哉

皇上萬幾餘暇披閱蘇轍詩有衮衮河渭濁泊元曹伯啟詩
有涇清渭濁源何異之句以傳註未足為據

命西大臣察視涇渭二源

奉委往探涇源

至華亭西北九十里有筭頭山山甚高面東北八峯環抱後
二峯極聳前六峰連相卑遜形如冠筭故名筭頭內有泉百
餘水自峽中流入大川清瑩徹底山西崦有三龍王廟建

華亭縣志

地理七

七

自遠年並無碑碣父老云筭山土名涇河腦又曰老龍澤相
傳峽內每峰相對凡四層若門戶然第一層峽稍寬水亦淺
自二至四水深不測有頭潭二潭三潭之目特肖三龍神以
祈禱焉少時祈雨頭潭旁有仄徑可行稍進即窮以後並頭
潭亦無人敢入者予策馬入峽水方數寸溯源而上曲折行半
里漸偏仄水及馬腹不能涉相隔第二層對峙之峰約三四
丈石峽僅離二三尺激水注射硤中以石投之盲不見底想
二潭三潭更非人力所能到也出峽后欲登山俯看而峰脊
如削無從佇足山左右俱土石小山綿亘四五里下有清泉
數十會注川內百泉所由名與攷宋之百泉縣即今之化平

鎮去并山三十里其為涇原無疑予復循流而下自白岩河
歷炭家峽東祈五十里至空同山又四十里由平涼郡西門
外與北川合距并山九十餘里凡涇水所歷無論土壤石山
俱見清且漣漪毫無泥滓惟由平涼至涇州涇汭合流處百
四十里中南北西三面山水所歸色與涇源少異然不過微
雜塵沙而已迥非咸陽渭水之濁流可比是涇水之清經身
歷而始信仰見

聖天子明燭萬里一言而真源早供

御覽足徵涇水有靈不甘久匿其面目俾數十年清濁混淆一旦
分明亦千古未有之遭逢矣予幸供是役謹繪涇水源流并

華亭縣志

地理八

八

山二圖說並賦短章以紀其詳如是云

無數泉飛大小珠老龍潭底貯冰壺汪洋千里無塵

到高陵不受誣其一藏書獅祭論終刊慶祀并山認六盤顛

倒渭涇成底語于今益信說詩難其二在山泉水本俱清歸

鼠何心浪得名出谷非同枳橘濁流萬古不能更其三法

古原非泥古人淵源

聖學迥超綸一從垢淨分明後二水方知面目真其四紛紛毛鄭

夢淄澠賴有蘇曹句獨醒水脈河濂衛

帝簡不須重補道元經其五

趙先甲詩清濁混淆十百年誰知判別自

青天涇流本面從今定始信詩家有謬傳
誦說懷疑數十年
涇清渭濁久昭然若非今遇

皇天鑿千古訛名嫁百泉

古彈箏峽瓦亭蕭闌高山今悲併入固原故不載

皇甫山居在城西皇家山山連華尖下有九曲池詩荷行
舟相為皇甫別業今池廢九曲址尚存

分巡關西道武全文詩步出儀城西北渡儀城水悵望古朝
那孀孀飛雲起皇甫山頭草木春百年臺榭半荆榛只今唯
有啼山鳥飛飛來往欲依人

靈臺楊淳詩古砦經年伴野樵暗空見雁自脩脩雲嶺隴西
十岩近月湧湫頭萬壑過斷壁草虫吟夜雨深秋烟樹鎖紅
橋皇家池館今何似寂寞山靈憶漢朝

華亭縣志

地理九

九

趙浚谷山居在縣北硯碕寺

先生名時春郡人也嘉靖丙戌會九累官山西巡撫以梗直不
與時合遜跡柴亭有泉山半霽詩山色平分翠欲鋪烟光
水氣浮天浮老農荷笠驅牛晚別作人間一畫圖

風俗

浚谷志篇在永今移在此

華亭謠曰山高地冷早霜薄收故民俗寒儉居板屋依岩
隈中間稍作瓦室今多市之更結草廬以便居止初能射
獵多獲醬皮采漆木蜜 獲膏油以博易衣食頗饒今皆

無之飯粟黍收亘而生理大訕或粥炭垣器蓄烏藥績麻
為業始者土曠人希道無行旅野戶不扃今漸浮奢廣置
集場姦宄不勝猜胥偷民巧偽日滋歲止正朔一相遇無
官節序婚嫁以馬牛羊畜為禮迎女以馬 用僧疾信巫
畏官吏刑逼弗識文官莫辨曲直惟納賄祈母干謁而已
且淫賭風熾而五方遊猾逋逃巨盜叢穴其間以亂之幾
無或制可哀也嗚呼

士習易詩書亦多聰慧稍能為文字充廩生即坐而待貢
無惑乎今百六十年來無新中也 若夫豪傑之士不待文工而興者予尚
有四

華亭縣志

地理十

十

河渠 浚谷志

山下出泉泉著易繇華亭高山水泉通利往年林蔥鬱揚
風氣未舒田少而沃饒山寒而喜旱近來林竭山童風故
日暄稍畏旱矣而雨不時得水泉灌溉之利田畝需焉泉
源既高有資工力必引以犁鑿聯以竹木綠山襄陵無不
可溉故王令始聽予言作惠民渠以灌縣川而今無故廢
之夫順天時因地利以教民稼穡無憂驕陽長民君子可
不愜乎易曰引而伸之觸類而長之天下之能事畢矣其
引為磨礱治紙及麥為利甚微不足紀錄也

趙時春惠民渠記開隴北支道華亭之西川邑人曰西山其

谷東向而水注縣及前川者北曰綿柳灘至于劉家嘴中曰
觀音溝至于丹泉觀又曰篩竹岔東南匯鹹池咸會于仙姑
山之東麓曰汭水地峻而流駛故民多治以為輪磨嘉靖已
卯自夏徂秋不雨禾且槁縣尹王君官既憂既禱乃籌水利
詢僉謀借予暨學師庶士之城西求水道命里胥率徒七十
華石遇汭半流使東而北循蹊徑遇上亭廟前入官路沾
之半為渠遇辛氏張氏趙氏之莊凡五里流淵乎其川田皆
可灌也行三里至故州西城外曰陳氏溝線溝西岸而北而
東乃入州西城越古塔至西門之北數仞流峻又會得地中
古石槽四尋即以牖城而內水由城隍廟之東入于縣治東

華亭縣志

地理一

十一

放之學宮以為泮水注東郊絕河其園田皆可溉也役不決
旬而成邑人乃以告成事請志諸石

建置志第二

華亭城土築圍五里北倚阜西接華尖山麓南北咸泊東環如帶宋徽宗時割故儀州東隅為之明末數陷于寇不可守順治初知縣楊榮胤因城北阜截築高壘依險以處是曰新城

邑人馬魁選詩定中思禦侮卜築應星文趨事民心合畫障雉堞分隍深疑却月壁峭欲連雲無限心銘在千秋紀大勳楊君次韻兵氛尚未靖聖主厭修文秦地山河壯儀城混沌分揮戈誰指日倚劍欲凌雲救氣橫關塞懸封待策勳十二年知縣佟希堯招集遠近居民增修雉堞而舊城如

華亭縣志

建置一

十三

故乾隆三十二年知縣張漢芳詳請修築城池復新今則又多損傷矣

鎮凡八西北曰馬峽里三十曰山寨里五十曰策郎里三十曰白

岩里九十曰化平里一百二西曰龍眼里十五南曰三鄉里四十東

曰窰頭里四十國初兵荒相繼集鎮丘墟知縣楊佟二人

接踵興復立市築堡旁及村落流亡並集

縣署在城中衢少東明萬曆中知縣孫鉉重修東建巡捕廳明末寇陷城焚毀殆盡知縣高祿取村于黑湫山修復之順治初再被寇焚知縣楊佟二人相繼修葺制如故察院在南城下今廢

儒學在文廟北北城東隣城西連巡捕廳順治初被寇
焚教諭居明倫堂後訓導原鱗捐修正廈三間左右三間
別為宅乾隆三十八年訓導裁汰今宅院合一四十年教
諭李紹聞在堂西捐修正廈三間右三間為內宅堂壁有
石記五十三年教諭趙先甲捐俸重修明倫堂升高數尺
建大門二門墻垣照塵堂東有碑又東圍建一小亭曰獨
醉亭有記

予幼嗜學味古人書每有心得輒怡然自喜如飲醇醪然既
而為古儀校官建小亭於東園訓課之暇退思亭上風和日
朗焚香酌酒取舊書而尋味之上窺古聖相傳之心法下咀

華亭縣志

建置二

十三

昔賢不朽之言論 爾鳥韻入耳花香沁脾悅若觀時行物
生鳶飛魚躍之機有慊于中欣然忘飲幾不知身之在何處
也次稽古聖治功禮樂制度時穆然神往焉不言不語兀然
獨坐望者疑以為醉予曰醉誠醉矣人亦有言眾人皆醉今
之醉者獨我也遂因以名亭焉又有五言律春來坐小亭日
醉在西銘鳥韻飛詩興花風動古馨凝眸視新草傾耳聽圓
靈但願銘酹後陶然不復醒又聞居詩城市若山居官閒日
有餘烹茶聊代酒安步以為車畫有違心事宵維寡過書置
身平坦處世路任崎嶇

儀山書院在西門內乾隆三十三年知縣張漢芳創建置

學田延師教諸生捐俸作膏火未久而罷令講堂有碑
華亭營在南門內經制外委一員原額兵五名乾隆四十
六年逆回作亂增二十五名四十九年逆回又亂增二十
名馬十三匹塘汛六在縣西北者西馬峽山寨白岩化平
在縣北者二廟灣嶺策郎乾隆五十年知縣吳江建
瓦亭驛今入固原故不載

倉在縣署西完固者十七間餘皆倒塌嘉慶元年知縣徐
銳新建二十四間左白岩鎮二十間四十九年逆回焚毀
在窰頭鎮二十間

演武教場在西门外

華亭縣志

建置三

十四

市集城內三日之一 鎮十日之二而已

關隘馬鋪嶺關平涼界金佛峽關今入固原三鄉關在崇
信隴州界並華亭而三前俱有巡檢一員今革

祠祀志第三

文廟在縣治東明末寇毀順治初知縣楊榮胤始葺修工
未竣十四年知縣佟希堯捐貲修成分巡關西道武全文
書學四警并小序

華亭佟令重新學宮成予過視而色喜既而曰凡教士者先
本而後標安定士子志不立業不勤困于貧斁于法本務則
亟書數言于壁為學者警其一日聖可作也孔子曰恒士何尚

學田延師教諸生捐俸作膏火未久而罷令講堂有碑
華亭營在南門內經制外委一員原額兵五名乾隆四十
六年逆回作亂增二十五名四十九年逆回又亂增二十
名馬十三匹塘汛六在縣西北者西馬峽山寨白岩化平
在縣北者二廟灣嶺策郎乾隆五十年知縣吳江建
瓦亭驛今入固原故不載

倉在縣署西完固者十七間餘皆倒塌嘉慶元年知縣徐
銳新建二十四間左白岩鎮二十間四十九年逆回焚毀
在窰頭鎮二十間

演武教場在西门外

華亭縣志

建置三

十四

市集城內三日之一 鎮十日之二而已

閑隘馬鋪嶺閑平涼界金佛峽閑今入固原三鄉閑在崇
信隴州界並華亭而三前俱有巡檢一員今革

祠祀志第三

文廟在縣治東明末寇毀順治初知縣楊榮胤始葺修工
未竣十四年知縣佟希堯捐貲修成分巡閑西道武全文
書學四警并小序

華亭佟令重新學宮成予過視而色喜既而曰凡教士者先
本而後標安定士子志不立業不勤困于貧斁于法本務則
亟書數言于壁為學者警其一日聖可作也孔子曰恒士何尚